

二經同卷

演道俗業經

百佛名經

必九

演道俗業經

乞伏秦沙門釋

聖堅譯

聞如是一時佛在舍衛國祇樹給孤獨園與大比丘衆千二百五十菩薩無數四輩之衆

都列

天龍鬼神阿須倫會時給孤獨氏與五百居士出舍衛城行詣佛所誓首足下却坐一面叉手問佛居處治家財有幾輩出家修道行異同乎當奉何法疾成無上正真之道復以何宜化衆生耶佛言善哉問也開發瞳矇將來學施佛言財有三輩一曰下財二曰中財三曰上財何謂下財有人治產積聚錢財不敢衣食奉修經戒不能孝順供養二親不樂隨時給足妻子欲其消息充飢飽賜奴客徒使衣裁蔽形食係口腹抱愚守惜如蜂愛蜜不信先聖不奉高士沙門道人不好布施種福為德心自計常不慮對至合者必散禍福自追

貪慕身地不覺惱根咄嗟歿過入泥梨門其身緣食四大虺盛神寄其中假号為名羸弱猶化危脆不固不解非常倚世之榮心懷萬憂謂亦長生心存吾我不達悉空三界常虛況人物乎汲汲迷惑貪媯嫉妬如斯行者奉養父母安和至心出辭還返不失顏色晨定暮省小心翼翼念二親恩而無窮極給足妻子應時衣食恩情歸流與共同歡妻子如是也終無私行瞻視奴客眷屬徒使不令飢之不信死後當復更生謂死滅盡歸於無形供孝所生念乳養恩給足妻子戀恩愛情瞻視僕使欲得其力不能奉敬沙門道人不肯行善布施德後當得福與衆殊特是謂中財佛於頌曰
常能念乳養 孝順供二親 給足其妻子
隨時不失節 奴客及徒使 慰勞不加惡
下侍皆順從 遺行不違教 不信後世生
聞之驚不喜 自計身有常 長存不終亡
三界如幻化 當識此辭章 已所為罪福

從本而受之

佛復告長者上財業者謂其人若有財寶能
自衣食孝順父母不失時節恒瞻顏色不令
懷感出不犯禁入不違禮造行清白不使汙
染恭敬尊長謙遜智者啓受博聞等心不邪
下劣貧厄咸蒙被荷給贍妻子常令豐備除諸
必 俗業經二注

邪念修以正治消息奴使不令窮匱不妄搢
罵加之慈愍奉敬先聖至學正士出家順法
沙門賢明夙夜行禮不失其意布施所乏使
成道德恣講經典并化癡冥以善方便不失
其時自安護彼一切衆生猶如特牛食芻出
乳酪乳酪出蘇出蘇已成醍醐醍醐最柔特
妙其自安身愍哀十方多所慈念多所安隱
諸天人民皆得蒙度是人最尊無上無比爲
無疇匹爲世大雄獨步無侶佛於是頌曰
若有衆財業 以自好衣食 供養孝父母
不失其顏色 出遊不犯禁 還返不違禮
造行常清淨 順法不荒迷 恭敬奉尊長

謙遜明智者 啓受博聞士 等心不慕邪
隨時給妻子 各令得其所 慈賜奴僕使
衣食常豐足 秦沙門學士 布施授供養
從受深妙法 育捐癡聾目 愍傷十方人
不獨爲身行 常自安其已 亦解一切厄
譬如蘇醍醐 本從芻草出 既可用安身

身和無疥疾 普哀衆生類 其心常平一
以是四等行 速逮成至佛

佛告長者出家修道學有三品一曰聲聞二
曰緣覺三曰大乘何謂聲聞畏苦厭身思無
央數生死之難周旋之患視身如怨四大猶
如五陰處滅坐禪數息安般守意觀身惡露
必 俗業經二注

不淨之形畏色欲本痛想行識怖地獄苦餓
鬼之厄畜生惱結人中之難天上別離不可
稱計輪轉無休如獄中囚欲斷生死勤勞之
罪求無爲樂泥洹之安但自爲己不念衆生
常執小慈不與大哀倚于音聲不解空慧三
界猶幻趣自濟己不顧恩慈是爲聲聞學佛

於是頌曰

畏無量生死 周旋之艱難 心已懷恐懼
 唯欲求自安 坐禪而數息 專精志安般
 觀身中惡露 不淨有若干 棄捐三界色
 斷欲得自安 不能修大慈 唯志樂泥洹
 佛告長者緣覺者本發大意为菩薩業布施
 持戒忍辱精進一心智慧以用望想求為尊
 豪天上天下咸令自歸三十二相八十種好
 威神德重巍巍堂堂無能及者不解如來色
 身所現因世愚人不識大道斷生死流不能
 反源盡生死本故為現身相好嚴容文辭言
 教以化愚真顯示大明及著相好謂審有色
 像雖行四等四恩六度無極三十七品觀十
 二緣欲拔其源不解本無希望大道正使積
 德如虛空界不得至佛所以者何用不達故
 何謂不達布施持戒忍辱精進一心智慧四
 等四恩有所希望念救一切五趣生死解空
 無相不願諸法曉一切法如幻化夢野馬影

響芭蕉泡沫皆無所有道慧無形等如虛空

無所增壞普度衆生佛於是頌曰
 本發菩薩意 志慕大乘業 但欲著佛身
 不了無適莫 布施戒忍辱 精進禪息智
 四等恩六度 唯已樂無為 三十二相明
 八十好巍巍 天上天下尊 脫五陰六衰
 但察其鹿事 不能觀深微 雖欲度十方
 心口自相違 不了如幻化 水沫泡野馬
 芭蕉如夢影 妄想甚衆多 正使作功德
 猶如江河沙 心懷無上真 不解除衆魔
 佛告長者其大乘學發無上正真道意行于
 大慈等如虛空而修大悲無所適莫不自憂
 身但念五趣一切衆生普欲使安奉四等心
 慈悲喜護惠施仁愛利益義等救濟十方布
 施持戒忍辱精進一心智慧六度無極無所
 希望以施一切衆生之類觀于三界往返周
 旋勤苦艱難不可稱計念之如父如母如子
 如身等而無異為之雨淚欲令度厄至于大

佛業守二住

四

如

道佛於是頌曰

發無上大意 行慈悲喜護 大哀如虛空

行等無適莫 立德不為己 唯為十方施

度脫諸羣生 使至大道智

又有四事得至大乘一曰布施給諸窮乏二

曰不擇豪劣行輕重心三曰所可施與無所

希望不求還報四曰以此功德施於衆生佛

於是頌曰

布施攝貧窮 不行輕重心 志慧無希望

不求還得報 愍念於群黎 往來周旋者

以此功德施 悉令至大道

佛告長者奉戒有四事疾成大乘一曰守口

護身心不念非二曰出入行步不失禮節三

曰不願生天轉輪聖王釋梵之位四曰以是

禁戒惠施衆生佛於是頌曰

常護身口意 心堅如大山 若出入行步

未曾失禮節 不願生天上 釋梵轉輪王

則以此政行 用惠一切人

少 俗業等二經

子

佛告長者忍辱有四事疾成大乘一曰若罵

詈者不計音聲二曰若搥捶者計如無形三

曰若毀辱者謂如風吹四曰有加害者常懷

大哀佛於是頌曰

搥詈令默然 自計本無形 設有根意起

心輒還自正 和心顏色悅 衆人咸恭敬

用是得成佛 三十二相明

佛告長者精進有四事一曰夙夜奉法未曾

懈廢二曰寧失身命不違道教三曰勤諷深

典不以懈倦四曰廣欲救濟諸危厄者是為

四佛於是頌曰

夙夜奉大法 未曾有忽忘 寧自失身命

不敢違道教 誦習深經典 不以為懈倦

救濟衆危厄 不使心懷恐

佛告長者禪思有四事一曰樂習精修閑居獨

處二曰靜身口心令不憤亂三曰雖在衆閑常能

定已四曰其心曠然而無所著佛於是頌曰

恒好於精修 志閑居獨處 靜其身口意

未曾念憤鬧 數處眾亂中 心定無忽變

一心見十方 道慧起神仙

佛告長者智慧有四事一曰解於身空四大合成散壞本無主名二曰其生三界皆心所為心如幻化倚立眾形三曰了知五陰本無處所隨其所著因有斯情四曰曉十二緣本

無根源因對而對現是為四佛於是頌曰

悉解其身空 四大而合成 散滅無處所

從心而得生 五陰本無根 所著以為名

十二緣無端 了此至大安

佛告長者智慧復有六事一曰解色如聚沫

二曰了痛癢如水泡三曰思想如野馬四曰

曉生死如芭蕉五曰察識如幻六曰心神如

影響計本悉空皆無處所佛於是頌曰

解色如聚沫 痛癢如水泡 思想猶野馬

生死苦芭蕉 了識假譬幻 三界無一好

分別悉空無 余乃至大道

佛告長者慈有四事一曰慈念十方二曰如

少 俗善寺二經

六

和

母育子三曰極愍念之四曰如身無異是為四佛於是頌曰

慈念於十方 如母育赤子 常懷極愍念

如身等無異

佛告長者哀有四事一曰愍之二曰為之兩淩三曰身欲代罪四曰以命濟之喜有四事

一曰和顏二曰善言三曰說經四曰解義護

有四事一曰教去惡襲善二曰常訓誨歸命

三寶三曰使發道意四曰開化眾生是為四

佛於是頌曰

愍念為兩淩 身欲代其罪 捨命而濟之

不以為懷恨 和顏演善法 講法分別義

教去惡就善 誨歸命三寶

佛告長者有四法疾成無上正真之道一曰

解空學無所求二曰無相無所希望三曰無

願不慕所生四曰常等三乘之業無去來今

是為四佛於是頌曰

解空無所求 無相希望報 不慕願所生

常等三卅行

佛告長者有四事法疾成佛道一曰一切皆悉本淨二曰而解萬物普如幻化三曰生死斷滅皆從緣對四曰計其緣對本亦無形佛於是頌曰

一切悉本淨 解萬物如幻 生死從緣對

計本亦無形

佛告長者有六法疾成正覺一曰身常行慈無怨無結二曰口常行慈演深慧義三曰心慈仁和調隱哀念十方四曰護戒不造想求大乘之業五曰正觀見十方空道俗不二六曰供足乏食救身之業以濟危厄是為六佛於是頌曰

身常行慈心 未曾懷怨結 口恒修至愍 演深慧之誼 心和仁調隱 哀念諸十方 護戒不起想 正觀十方空 佛告長者有四事疾成佛道一曰奉精進業悉無所著二曰教化衆生道心不斷三曰遊

于生死不以患厭四曰大慈大哀不捨權慧是為四佛於是頌曰 精進無所著 教化未曾斷 不患厭生死 不廢捨權慧

佛告長者開化衆生有四事一曰不信生死者則以現事禍福喻之二曰不信三寶顯示大道三曰迷惑邪徑指語三乘佛道獨尊而無有侶四曰三界所有悉如幻化無一真諦是為四佛於是頌曰

不信生死禍福示 墮邪見者顯大道 佛道獨尊而無侶 三界悉空如幻化 佛告長者開化復有七事一曰慳貪者教令布施二曰犯惡者誨令奉戒三曰瞋恚者勸令忍辱四曰懈怠者化令精進五曰心亂者誨令定意六曰愚冥者教令至學智度無極七曰不知隨時顯權方便是為七佛於是頌曰 慳者教布施 犯惡令奉戒 瞋恚勸忍辱 懈怠勸精進 亂者使定意 愚冥教令學

智慧度無極 隨時發善權

隨時菩薩問佛何故學者有上中下不悉普等至大乘乎佛言學者其心見有遠近解有深淺志有憂劣故示三乘計本無三假引為喻譬如有人為國大臣聰明智慧王之所重叅誼國事一以委託不懷疑慮友斯大臣有三

俗業等二任

八

和

親友一曰太子二曰尊者三曰凡人大臣舉治國之正頗有漏失眾人諧入白之於王謂圖群逆王聞懷疑問諸臣曰當何罪之諸臣得便各重罪之或言斫頭或言截手斷足或言割耳及鼻挑眼去舌王察眾臣所議甚重告曰不然此人明達偶有小失不宜乃尔當

捉閉著獄諸臣唯從不敢復言告邊臣曰速下文書令收勅臣閉在刑獄時凡親友聞之悲念欲使出獄力劣不任唯以衣被飲食所之日日供之亦不能令不見拷治尊者友聞心用辛酸往至其所解喻獄吏不令拷治痛苦休息不堪出獄王太子聞以為惘然是吾

親親無有重罪眾臣憎之繞之於王不宜取尔往詣王所具陳本末謂無逆肆當用我故願赦其殃王用愛子即赦使出獄與王相見令業如故其國王者謂如來其太子者智慧度無極善權方便菩薩遠得無所從生法忍權慧之宜乃能得出於三界獄得成為佛廣濟眾生尊者親友謂行淨戒免三惡趣不免三界可受天上人間福不得至道凡知友者謂布施業此適能脫餓鬼之界不免地獄畜生之厄所以者何如其所種各得其類發無上正真道意奉於大慈無極大哀開化一切故得至佛道本與大道不達深法不解進退

九

和

中止自廢故為緣覺畏生死難往返周旋但欲自濟不念苦人故墮聲聞各隨本然而獲致之說是經時給孤獨園居士五百長者皆發無上正真道意有數千人遠塵離垢諸法眼生筌篔樂器不鼓自鳴飛鳥走獸相和悲聲當是之時莫不歡喜自歸佛者居士復問

初學道者始以何志佛言先習五戒自歸於
 三何謂五戒一曰慈心仁恩不殺二曰清廉
 節用不盜三者貞良鮮潔清淨四曰篤信性
 和不欺五曰要達志明不亂何謂三自歸一
 曰歸佛無上正真二曰歸法以自御心三曰
 歸眾聖眾之中所受廣大猶如大海靡所不
 包復有四一曰道跡二曰往還三曰不還四
 曰無著緣覺至佛無上大道得天人身皆由
 之生次行四等四恩四辯六度無極大慈大
 哀得成大道前知無窮却觀無極教訓十方
 何智不逮阿難問曰此經何名云何奉行佛
 言名曰解俗家業三品之財出家修道無上正
 真其要号曰演道俗業佛說如是賢者阿難
 給孤獨居士五百清信士莫不歡喜

演道俗業經

必九

平江府城東磧砂延聖院比丘

可消

同施淨財陸拾壹拜式伯文入

經旬刊造

演道俗業經卷一功德普告

四恩三有檀信供給之恩利益法界究親同成

善提佛果仍願眾業堅固障難無侵者

淳祐元年五月

比丘可消謹題